



国家出版基金项目
NATIONAL PUBLICATION FOUNDATION

民國史料叢刊

續編

0951

孫燕京 張研 主編

史地·歷史

集權資憲通史（政治）（二）
集權資憲通史（政治）（三）



大象出版社

民國史料叢刊

續編
0951

孫燕京 張研 主編
史地·歷史

集權資憲通史(政治)(二)
集權資憲通史(政治)(三)



大象出版社

集權資憲通史（政治）（二）

成文法

為文志

集權資憲通史

立法部

成文法

第一篇 行政法

第一章 皇室典範

第一節 朝會制度

第一段 周官四朝及明堂位

周制天子四朝

恒言三朝者以詢事之朝非常朝故不言之

一曰外朝

在皋門內決罪聽訟之朝也

秋官朝士掌之左九棘孤

卿大夫位焉羣士在其後右九棘公卿伯子男位焉羣吏在其後面三槐三公

位焉州長衆庶在其後左嘉石平罷人右肺石達窮人

斯聽獄之時所列位嘉石丈石也肺石赤石也

二曰中

朝

在路門外

夏官司事正其位辨其貴賤之等朝夕視政公卿大夫辨色而入應門

北面而立東上王揖孤卿以上特揖大夫旅揖士傍三揖各就位

特揖一揖者也

王南

第一節

朝會制度

第一段

周官四朝及明堂位

成文法 第一篇 行政法 第一章 皇室典範

向王公北面東上。孤東面北上。卿大夫西面北上。王族故士武士在路門之右。南面東上。太僕太右太僕從者在路門之左。南面西上。三日內朝。亦謂路寢之朝。君從正朝視事畢。退適路寢聽政。使視大夫大夫退。然後適燕寢釋服。四日詢事之朝。在雉門外小司寇掌其政以致萬人而詢焉。一日詢國危。二日詢國遷。三日詢立君。國危謂兵寇國遷謂徙都立君謂君無冢嫡選於庶子則聚萬人而詢謀焉其位王南向。王公及州長百姓北面。羣臣西面。羣吏東面。小司寇貨以序進而問焉。以衆輔志而蔽謀。陳氏禮書曰。周官太僕掌燕朝之服位。宰夫掌治朝之法。司士掌朝儀之位。朝士掌外朝之法。文王世子。公族朝於內朝。庶子掌之。其在外朝。司事掌之。玉藻朝服以日視朝於內朝。退適路寢聽政。然則文王世子與玉藻所謂朝者。諸侯之朝也。蓋天子庫門之外。外朝也。朝士掌之路門之外。治朝也。宰夫司士掌之路寢燕朝。太僕掌之。諸侯亦有路寢。有外朝。則文王世子所謂內朝者。玉藻所謂路寢也。玉藻所謂內朝者。文王世子所謂外朝也。玉藻於路寢之外。言內朝。則又有外朝明

矣。諸侯內朝。司士掌之。其官與天子同。燕朝庶子掌之。其官與天子異。魯語曰。天子及諸侯。合民事於外。朝合神事於內。朝自卿以下。合官職於外。朝合家事於內。朝。然則卿大夫亦二朝也。又曰。玉藻曰。朝辨色始入。君日出而視之。退適路寢聽政。使人視大夫。大夫退。然後適小寢釋服。則朝辨色始入。所以防微。日出而視之。所以優尊。詩曰。夜嚮晨言觀其旂。臣辨色始入之時也。又曰。東方明矣。朝既盈矣。君日出而視之之時也。蓋尊者體盤卑者體蹙。體蹙者常先。體盤者常後。故視學衆至。然後天子至。燕禮設賓筵。然後設公席。則朝禮臣入然後君視之。皆優尊之道也。然朝以先爲勤。以後爲逸。退以先爲逸。以後爲勤。朝而臣先於君。所以明分。守退而君後於臣。所以防忘。荒此所以使人視大夫退。然後適小寢釋服也。然則公卿諸侯之朝王。其有先後乎。詩云。三事大夫。莫肯夙夜。邦君諸侯。莫肯朝夕。夙先於朝。夜後於夕。則公卿朝常先至。夕常後退。諸侯朝常後至。夕常先退。

成文法 第一篇 行政法 第一章 皇室典範

周制大行人掌大賓之禮及大客之儀以親諸侯

大賓要服以內諸侯也大客謂其孤卿

春朝而圖事

秋覲以比功夏宗以陳謨冬遇以協慮天子當展而立諸侯北面而見天子曰

覲天子當貯而立諸公東面諸侯西面曰朝

爾雅曰戶牖之間爲之展門屏之間謂之貯

侯服歲一見甸服

二歲一見男服三歲一見采服四歲一見衛服五歲一見要服六歲一見九州

之外謂之蕃國代一見各以其貴寶爲贊

周公朝諸侯於明堂之位石林葉氏曰司氏所掌朝儀之位與朝士所掌外

朝之法皆自有定著明堂位蓋周公之爲故記禮者以爲周公朝諸侯之位其

日負斧戣南向而立是雖仍攝政之稱謂周公曰天子然負戣而立則周成王

自不失南面而坐周公但從成王立於其側爾中間言武王崩成王幼弱周公

踐天子之位者亦謂成王同坐立於斧戣之間周公曷嘗正天子之位而居之

乎禮所記甚明陋儒初不悟雖荀卿猶云周公履天子之籍若固有之學者由

是紛紛矣

第二段

漢之朝賀及北齊慰勞郡國上計使

漢武帝雖用夏正。然每月朔朝。至於十月朔。猶嘗享會。其儀夜漏未盡七刻而鐘鳴。受賀及贊。公侯璧二千石。羔千石。六百石。鴈四百石。以下百官。賀正月二千石以上。上殿。稱萬歲。獨斷曰三公奉璧上殿。向御坐北面。太常贊曰皇帝爲興三公伏。皇帝坐乃進璧。古語曰御坐則起此之謂也。舉觴御食前。司空奉羹。大司農奉飯。奏食舉之樂。百官受賜宴享。大作樂。東晉江左多虞。不復晨賀。夜漏未盡十刻。開宣陽門。至平明始開殿門。晝漏上水五刻。皇帝乃出受賀。皇太子出會者。則在三恪下。王公上。正朝元會。設白獸樽於殿庭。若有能獻直言者。則發此樽飲酒。

陳制先元會十日。百官並習儀注。令僕以下悉公服監之。設庭燎。街闕城上殿前皆嚴兵。百官各設部伍。而朝宮人皆於東廊隔綺疏而觀。宮門既無籍外人。但絳衣者。亦得入觀。是日上事人發白獸樽。自餘多依梁禮云。北齊元正大享。百官一品以下。流外九品以上。與會。一品以下。正三品以下。開

成文法 第一篇 行政法 第一章 皇室典範

國公侯伯散品公侯及特命之官刺史並升殿從三品以下從九品以上及奉

正使人比流外官者在階下勳品以下端門外侍中宣詔慰勞郡國使詔隨長一尺三寸廣

一尺雌黃塗飾上寫詔書三計會日侍中依儀勞郡國計吏問刺史太守安不及殺價麥苗善惡人間疾苦又班五條詔書於諸州郡國使寫以詔隨一枚長二尺五寸廣

一尺三寸亦以雌黃塗飾一曰政在正身在愛人去殘賊擇良吏正決獄平徭賦二曰人生在勤勤則不置其勸率田桑無或煩擾三曰六極之人務加寬養必使生有以自救沒有以自給四曰長吏浮華奉客以求小譽逐末舍本政之

所疾宜謹察之五曰人事意氣干亂正會日侍中黃門宣詔勞諸郡上計勞訖付紙遺陳土宜字有脫落者呼起席後立書跡

濫劣者飲墨水一升文理孟浪無可取者無容刀及席旣而本曹郎中考其文跡才辭可取者錄牒吏部簡同流外三品叙

第三段 唐之朝賀及常朝

唐舊制元日大陳設皇太子獻壽次上公獻壽次中書令奏諸州表黃門侍郎奏祥瑞戶部尚書奏諸州貢獻禮部尚書奏諸藩貢獻太史奏雲物侍中奏禮畢然後中書令又與供奉官獻壽時殿上皆呼萬歲冬至亦然

天成元年敕本朝舊日趨朝官置待漏院候子城門開便入立班如遇不坐前一日晚便宣來日兩衙不坐其日纔明閣門立班便宣不坐百官各退歸司近

年以來雖遇不坐正殿或是延英對宰臣或是內殿親決機務所司不循舊制往往及辰已之時尚未放班日色已高人心咸倦今後若遇不坐日未御內殿前便令閣門使宣不坐放朝班退五代史李琪傳曰唐末喪亂朝廷之禮壞天子未嘗視朝而入閣之制亦廢常參之官日至正衙者傳聞不坐卽退獨大臣奏事日一見便殿而侍從內諸司日再朝而已明宗初卽位乃詔羣臣五日一隨宰相入見內殿謂之起居琪以爲非唐故事請罷五日起居而復朔望入閣明宗曰五日起居吾思所以數見羣臣也不可罷五日起居而朔望入閣可復然唐故事天子日御殿見羣臣日常參朔望薦食諸陵寢有思慕之心不能臨前殿則御便殿見羣臣曰入閣宣政前殿也謂之衙衙有仗紫宸便殿也謂之閣其不御前殿而遇紫宸也乃自正衙喚仗由閣門而入閣官俟朝於衙者因隨以入見故謂之入閣然衙朝也其禮尊閣宴見也其事殺自乾符以後因亂禮闕天子不能日見羣臣而見朔望故正衙常日廢仗而朔望入閣有仗其

成文法 第一篇 行政法 第一章 皇室典範

後習見遂以入閣爲重。至出御前殿。猶謂之入閣。其後亦廢。至是而復。然有司不能講正其事。凡羣臣五日一入見中興殿。便殿也。此入閣之遺制。而謂之起居。朔望一出御文明殿。前殿也。反謂之入閣。其皆不能正也。琪又建言入閣有待制。次對官論事。而內殿起居一見而退。欲有言者無由自陳。非所以數見羣臣之意也。明宗乃詔起居日有言事者許出行自陳。又詔百官以次轉對。石林葉氏曰。唐以宣政殿爲前殿。謂正衙。卽古之內朝也。以紫宸殿爲便殿。謂之上閣。卽古之燕朝也。而外別有含元殿。古者天子三朝。外朝內朝燕朝。外朝在王公庫門外。有非常之事以詢萬民於宮中。內朝在路門外。燕朝在路門內。蓋內朝以見羣臣。或謂之路朝。燕朝以聽政。猶今之奏事。或謂之燕寢。鄭氏小宗伯注以漢司徒府有天子以下大會殿爲周之外朝。而宮中有前後則爲內朝。燕朝蓋去周猶未遠也。唐含元殿宜如漢之大會殿。宣政紫宸乃前後殿。其沿習有自來矣。方其盛時宣政蓋常朝日見羣臣。遇朔望陵寢薦食。然後御紫宸。

旋傳宣喚仗入閣。宰相押之。由閣門進。百官隨之入。謂之喚仗入閣。紫宸殿言閣猶古之言寢。此御朝之常制也。中世亂離。宣政不復。御正衙立仗之禮遂廢。惟以隻日常朝。御紫宸而不設仗。敬宗始復修之。因以朔望陳仗紫宸。以爲盛禮。亦謂之入閣誤矣。

第四段

宋金元之朝儀及明之午朝

宋孝宗乾道二年九月。詔定四參日。分起居班次。

四參官謂宰執侍從武臣正任文臣卿監員郎監察御史以上

金章宗承安四年二月。諭有司。自三月一日爲始。每旬三品至五品各一人轉對。六品亦以次對。臺諫勿與。有應奏事與轉對官相見。無面對者。上章亦聽。元太宗元年八月。卽皇帝位。始立朝儀。皇族尊屬皆拜。陶宗儀輟耕錄謂帝卽位時。耶律楚材爲中書令。定策立儀禮。皇族尊長皆令就班列拜。尊長之有拜禮。自此始。今以列傳考之。耶律楚材於二年拜中書令。方定儀制時。特告親王察罕。台曰。王雖兄位。則臣也。禮當拜。王拜則莫敢不拜。王乃率皇族及臣僚。

俱拜帳下焉。

元正旦受朝儀。侍儀使并通事舍人分左右引擎執護尉劈正斧中行。輟耕錄曰。劈正斧以水蒼玉碾造。高二寸有奇。廣半之。文藻燦然。或云自殷時流傳至今者。如天子登極。正旦天壽節。御大明殿會朝時。則一人執之。立於陛下酒海之間。蓋所以正人不正之意。

明成祖永樂四年正月初御午朝。初令內閣官侍朝。立金臺東。錦衣衛在西。後移御道。東西對立。至是諭近侍及六部官早朝。多四方所奏事。午後事簡。君臣之間得從容陳論。自今有事當商確者。皆於晚朝。

宣宗宣德十年正月。

時英宗已即位

始罷午朝。

時閣臣楊士奇楊溥楊榮以帝幼冲初

即位罷午朝。又創制每日早朝止許言事八件。前一日先以副本詣闕下。豫以各事處分陳上。遇奏止依所陳傳旨而已。後遂爲定制。景帝景泰二年八月復午朝。

神宗萬曆三年二月始命日講官分直記注起居纂輯章奏臨朝侍班常朝日記注起居官四人列於東班給事中上稍前以便觀聽午朝則列於御座西稍南

第二節 行政符印制度

第一段 唐虞周圭節

虞舜輯五瑞既月乃日覲四岳羣牧班瑞於羣后程氏演繁露曰尙書大傳曰古者圭必有冒故冒圭者天子與諸侯爲瑞諸侯執所受圭以朝天子無過者復得以給使之歸國有過者留其圭三年按大傳此言必有所本舜典謂輯五瑞卽執圭而朝輯者斂之而上乎天子也班瑞羣后卽復與其圭以歸者也第有過留之三年不見所出然分還留兩端以爲賞罰其說有理也原按天子所佩曰璽諸侯所佩曰印無璽書則九重之號令不能達之於四海無印章則有司之文移不能行之於所屬此後世之事也三代以前則未之聞上之示